

幼科指南



幼科醫學指南卷之四

沙城周 震慎齋著

瀨水

吳 恒鶴山

全較

潘 寅山曉

脾經主病

脾經主困邪氣實則日晡身熱飲水不思飲食用藿
香散瀉黃散三黃丸主之正氣虛則吐瀉生風用
益黃散異功散小建中湯調元湯肥兒丸補之否

則用平胃散加茯苓猪苓白朮同煎或五苓散去
澤瀉肉桂不用澤瀉者以其太瀉腎氣夏至後陰
盛陽衰若腎氣一虛恐成慢驚也

脾經兼症

凡諸困倦不思飲食皆脾經之本病也如昏睡身熱
用胃苓丸琥珀抱龍丸主之吐瀉有冷有熱冷者
不渴理中湯主之熱者渴飲冷水五苓散合天水
散主之



兼見肝症初傷風吐瀉惡風發熱煩急頓悶此宜發散用惺惺散如先吐後瀉變慢驚者不治但未成慢驚者用五苓散分陰陽止吐瀉利小便定驚悸或加辰砂茵陳亦可如傷暑用天水散除熱止渴化痰利小便

兼見心症發熱昏睡夢中驚悸宜東垣安神丸如渴飲水宜五苓散加辰砂

兼見肺症發熱昏睡氣促而喘宜葶藶丸主之

兼見腎症羸瘦痿弱嗜卧不起宜脾腎兼補補腎地黃丸主之補脾養脾丸主之

醫按

一子嗜卧發熱項軟頭傾倒不能舉醫作風

治而不決予曰此陽虛症也蓋頭者諸陽之首胃者諸陽之會此兒必乳食傷胃胃氣不足故清陽不升而項軟不能任元也用調元湯漸漸而愈

脾所生病

腫病有二經云面腫曰風足腫曰水又云凡諸濕腫



滿皆屬脾土

腫自上起者皆由於風治在肺宜發散所謂開鬼門是也鬼門者汗孔也

腫自下起者因於水治在腎宜滲利之所謂潔淨府是也潔淨府者利小便也仲景曰治濕不利小便非其治也宜五苓散加防已枳朮即主之

一身盡腫者宜煎五皮湯送下胃苓丸經云鬱則析之謂上下分消以去其濕發汗利小便也

醫按先翁治小兒腫病只用胃苓丸正方順取長

流水入燈心煎湯送下每日於午時用五加皮煎湯抱兒於無風處浴之浴罷令睡一覺以薄被蓋之得微汗者吉未有不效

一女子年方七歲病腫甚寅後午前上半身腫午後丑前下半身腫上下盡消惟陰戶獨腫小便難予曰半身以上天之陽也宜發其汗使清陽出於上竅也半身以下地之陰也宜利小便使濁陰出

於下竅也正宜上下分消以去其濕惟夜半陰戶
獨腫艱於小便此又當從肝經求之蓋厥陰肝經
之脉丑時起於足上環陰器况肝病則大小便難
用胃苓丸五皮湯內有茯苓以伐腎肝之邪木得
桂而枯又以辛散其肝經之水以溫腎之真寒濕
也連服十劑而腫盡消矣予奉先翁之教凡腫微
者只用胃苓丸本方治之如面腫甚者胃苓丸內
加蘇葉一錢葶藶一錢隔紙炒以去肺經之風足

腫甚者加防已一錢黑牽牛炒取頭末一錢共爲末燈心湯送下

一小姐誤食菱角傷脾面腫而喘予用錢氏異功散加藿香葉以去脾經之濕蘇葉以去肺經之風一劑而安

小兒病嗽病瘧病瘡後腫者皆虛腫也如受風雨水濕之氣者實腫也不問虛實俱用胃苓九五皮湯主之此秘法也

如因咳嗽面腫浮者宜消腫寧陸丸主之

瘡後遍身浮腫者此因瘡發之後外受風邪內傷冷

水得之宜胃苓丸燈心順流水煎湯下再用午後

浴法更妙

如無他病浮腫者視其腫起之處治之自上起者風

腫也宜五皮湯加蘇葉防風主之自下起者濕腫

也用五苓散加防已木通主之

如腫久不消氣實能食者宜利其水胃苓丸加商陸

王之腎者水之根也濕則傷腎久立濕地者多此
疾氣弱食少者只以補脾爲主脾屬土土能勝水
脾強則水去而腫消宜參苓平胃散加藿香葉木
香砂仁爲丸服之有腎虛者宜安腎丸服之

有兩目俱黃遍身俱黃且腫者此黃腫也宜胃苓丸
加茵陳如黃而不腫者此疸症也當視色之明暗
何如如色黃而鮮明小便黃且澀者此熱也宜三
黃金花丸但黃色昏暗小便不利者此濕也宜茵



陳五苓散主之

凡兒病腫醫不得法元氣下陷腹大而坐不得致陰
囊腫大莖長而卷者此脾土已敗而肝木獨旺乃
賊邪也不治之症

醫按一義子十五歲病疽兩目俱黃予問之曰傷

食起腹中大熱又痛乃立一方用黃柏梔子等分
大黃減半以去其熱猪苓澤瀉茯苓蒼朮等分以
去其濕只殼厚朴神曲以去其食積茵陳倍用以

去其黃共末酒糊丸車前子煎湯下三日後吐下
黃水二碗胸中不熱又二日瀉三行腹中不痛
日後漸漸痛減而愈

脹病諸症

脹病有二屬虛者多屬實者少東垣錢氏二先生皆
從虛治內經云太陰從濕謂寒濕也作熱治者誤
矣當以脉症辨之

實脹者或因食積或因痞塊先有物在腸胃中而後

脹形於外也按之則堅宜消導以去之不攻攻則愈虛不可治矣宜胃苓丸主之

虛脹者或因吐瀉瘵痢之後脾胃久傷而病此虛氣在於膜盲之外蓋外雖脹其中無物按之則需扣之有聲不可外攻攻之卽死宜用溫補錢氏加減異功散主之

有因於熱者必口干飲水神識不清無時譫妄宜用三黃丸河間涼膈散主之

有因於宿食者必惡食吞酸腹中時痛宜三黃只朮

凡木香枳郎丸因於積者腹中陣痛宜丁香脾積

丸

凡^小兒腹脹與大人不同多因傷食得之宜胃苓丸合

丹溪保和丸主之如果傷食腹脹或痛吞酸惡食

大便不利者宜木香承氣丸主之如腹脹宜加減

塌氣湯治之

醫案

予甥有食積脾虛病出痘後又傷食腹脹不

喜食用胃苓丸加只實神曲麥芽青皮作丸服之
一孫先病瘧後傷食成疳甚瘦腹大而堅見人則
笑予用人參白朮茯苓甘草夏曲只實厚朴黃連
木香砂仁莪朮使君子麥芽鱉甲夜明砂川芎當
歸等藥而愈

一兒瀉後腹脹用加減塌氣湯一劑而安

一兒五歲腹大善食予曰倘不知節不成腸痞必
成疳也果後成疳肚大青筋用集聖丸而愈

一兒善食腹大用保和丸胃苓丸相間調理而愈
腹中有癖瘕後多有之凡小兒有癖者常作寒熱似
瘕不可作瘕治也癖去寒熱自止矣無過消癖丸
爲佳先翁治癖只用香蟾丸此秘方也

腹痛虫積諸症

虫痛發作無時隨痛隨止發則面色眊白口吐涎沫
腹中痛作疔瘕脉洪大目直視似癰宜下之用木
杏楨郎丸苦練根桑白皮煎湯送下